

詩

虛白堂集

三

虛白堂詩集卷之十

男望世昌 編集

詩

踰所冬羅嶺

峻嶺盤回八太空長林叟隧暗蒙龍兩山南北千峯
裏一路東西萬木中困馬凌兢愁積雪疾身憔悴
當風詩逢勝地終難就縱就還慚語不工

次麟蹄軒韻

過橋官道遠林崦穀人家地爽常留雪山深未有花

棘簷寒雀闌松樹晚風多
旅况增愁疾支頤日易斜

遇大雪用東坡韻

東君暖律來何晚
滕六餘威未解嚴
樹上自開瓊玉
蕊家上剝得水晶
鹽坐看飄蕩穿疎
牖卧聽蕭騷捲
短簷二月春寒還
有礙賴芽欲茁天
句尖春陰垂野亂
號鴉雲裏阿香暗
轉車青帝翱翔催
柳絮素娥倬妁妬
梅花扁舟剡曲難
招隱匹馬籃關獨
憶家欲寫愁懷還
不得側身西望手
空叉

次鐵原東軒韻

鐵水雄藩古邑州客來無語謾含愁風雲沛上飛揚
日烜燼咸陽慘怛秋兩國興亡俱寂寂千年城壘莽
悠二弓王不鑑前車覆付與姑蘇麋鹿遊

渡母津

兩邊山木鬱蒼蒼一派長川抱斷岡雪盡晴波搖鴨
綠風微弱柳弄鵝黃浮雲流水路無盡芳草斜陽心
獨傷玉署舊臣身嶺外憂魂頻落五雲鄉

次春川鳳儀樓韻

平郊渺上橫蒼烟亂山缺處開青天鳳嶽高竊起千

何長河匹練流其前我來今日到江上收拾萬象歸
吟鞭武昌楊柳暗西渚漢陽雲對分晴川憑欄落日
望不極馭風身世飄々然英雄今古幾登眺離筵急
管催繁絃溪山炯月自朝暮人非昔人年非年大堤
兒女歌落梅惹起多少行人懷東風澹蕩吹飛雨落
花點々埋荒苔殘苔老啼鳥散春光一去何時迴
流愁不用玉蘂酒有酒不必流霞盃江流漾々石鑿
鑿昭陽何處迷纖埃人間勝地真難遇何用踰海尋
蓬萊千村桃李媚顏色宦情羈懷兩寂寞髀肉半消

鬢半蒼勸君莫作遠遊客

登原州北樓

憑虛樓前溪水曲萬條楊柳蔭平陸東風吹弄黃金
絲黃金裊上換新綠篩烟柳雨十里餘春陰茫茫遮
大屋虹橋鴈塔康衢中溝塍繡錯困倉豐家口務本
少春遊葛屨宛有陶唐風居人編戶自安樂客子倚
柱愁寂寞過盡芳菲搖落時還逢白雪是歸期

路上見阿槐花

窮山風雪裏第一見春光迎暖先開藥排寒晚吐香

紛々敷錦纈粲々碎黃金多少關心事觀渠只自傷
自五色驛冒雨入襄陽二首

雲雨巫山路行人暗斷腸襄王夢神女宋玉賦高堂
勝會雖相續羈懷各自忙山花多解事故々送清香
微雨洗荒穢欣々物象嘉桴楊抽密葉芝朮長新芽
綠遍燒痕草紅浮石上花渴馬分澗水清香遶田家

憩降仙驛望洛山寺二首

松栢蒼々暗海灣行人指說補陀山此間應有逃禪
者絕學無爲獨自閒

圓通自在大慈悲觀聽音聲救苦時滄海難供千眼
界如今却作放生池

雙闕湖

雪嶽凌空活盡奇籬山嶒嶸峯危湖開十里色平
野竹暗雙城有古基東草島侵滄海近秘仙臺隱亂
松枝春風信馬垂鞭去草綠沙明日正遲

永郎湖

平海隱隱傍東溟到處翻疑地有靈浪湧桃花風裏
白山橫螺影水邊清胸中八九吞雲夢眼底微茫隘

洞庭千載仙蹤尋不得
野棠如錦滿回汀
平湖過列山湖

層巒疊嶂擁平湖水碧沙明似畫圖
偃蹇松杉遮海曲
參差花柳照林隅
不須搜骨尋蓬島
太勝乘風詠舞雩
欲屏騶徒身獨往
幅巾藜杖踏青蕪

挂鍾巖

沅沙萬里渺西南
石艦浮來五十三
金狄坐時猶有石
銅鍾掛處只空龕
對林葱蒨貝多葉
花萼繽紛優鉢曇
海濶天長望不極
三峯如畫隔晴嵐

仙遊潭

萬樹蒼松挾路斜，碧潭如鏡捲晨霞。
紫萼波面初生葉，紅杏巖頭已放花。
客興多端尋勝界，馬蹄無賴踏晴沙。
逖郎千載仙遊遠，惟有春風長草芽。

雙城湖遇大風

籬山雲氣如飛車，太湖雪浪翻空花。
飛廉作戲弄宇宙，蓬萊巔末聲騰譁。
長松盡拔紛草偃，回汀漠口揚塵沙。
沙飛攔面利於鏃，目不得舉誰相遮。
青山如龍若吞噉，兩手據鞍難鞭撻。
人傾馬倒近海口，驅八蛟。

宮邠得取性命毫髮僅自保神悸駭如縈扭頭風
沉重竟難痊未遇陳琳神撒手千憂萬苦已歷試鞍
馬驅馳難耐久護榮調胃有蓼參不如去作林下叟

臨水杏花

瓠羣齒白捲唇紅蘭麝清香散曉風似怕嬌顏易容
老淡施脂粉照青銅

過祥雲松間杜鵑花亂發

蒲汀松對鬱紛々南北長程向此分疎影落湖晴盪
日黑陰垂地暗如雲照人繁艷濃堪摘擁鼻清香遠

更聞彷彿高唐夢神女祿衣橫掩石榴裙

次江陵東軒韻

海山佳氣入新年春蒲蓬壺洞裏天鰲島雲嵐飛鳥
外珠樓歌吹夕陽邊一溪水抱千家塢萬樹花含十
里烟鏡浦晴波搖鴨綠蘭橈載酒挾飛仙

萬里鵬遊屬壯年憑欄眼界割雲天日斜對影侵階
上風細荷香到枕邊簾捲蝦鬚斜帶雨簾鋪薤葉冷
無烟夜深沆瀣澄如酒身世飄然羽化仙

村々蕭鼓樂豐年穠穠花明白露天壓棘黃橙輝道

左辭枝紅葉擁城邊
玻璃海色涵金壁
錦繡山光捲紫烟
好待月明吹鐵笛
樓中吟嘯即蘇仙

紅塵奔走幾多年
按節來遊物外天
縞嶺嵯峨連北極
銀濤浩渺暗東邊
蒼松日射晴含雪
綠竹風微晚
歸烟錦帳怕寒傾
一竿此身還作酒中仙

登鏡浦臺

大嶺凌空衆父父
衆皴東來散肢股
肢分股別擁平湖
青巒白浪相吞吐
湖平十里驚波恬
鏡光開出菱花面
鷗鳥飛來蹴晴雪
春風玉羽翻毳上
箕簪蒼翠

覆鰲島落日虹橋人影倒長途如蛇枕海渚野棠爛
漫照青草鯨濤渺々接大洋雲帆萬里窮扶桑扶桑
何許不可到龍堆唇閣遙相望奇觀勝景誰能匹寰
區之內應茅一洞庭雲夢浪得名齊誇楚詔難得失
仙遊已遠雲悠々風清月白空江秋騷人墨客幾來
徃年年載酒多春遊我來正當三月暮山花亂落飄
紅雨尋詩懷古一長嘯清風徐來搖綠樹

題羽溪亭

平沙連海曲歸路莽迢々綠竹遮茅屋青林隱板橋

烟陂驅犢去草野引泉遙布穀知時節慇懃勸種苗

冷泉亭

一派飛泉脉來從翠竇深洎口初落澗澆口細通林
淨瀉巖頭練寒鳴石上琴炎時采憩此涼氣滌塵襟

三陟城中梨花盛開

南州氣暖春早回杏花初謝梨花開朝暾曛曛照城
堞壓對白雪繁成堆夜來顛風吹雨過銀錢散落埋
蒼苔有時飄泛碧潭水有時吹入黃金杯銜盃不救
詩吻渴桃李薰香坐消歇青樓高卧獨吟人辜負玲

瓏滿川月

雉媒行

紫綬繫盤花條繡襠斜帶錦襜褕間搖藻尾揚斑
翹飛從麥隴登山椒有囂呼鳴叢薄中非其配偶來
相從忽逢飛機碎錦胸羽毛擁折離孛置不慎禍機
藏不測粉蠶竟爲雕俎肉寄語少年夸毗子須知我
眉劇腊毒

踰知葛二嶺

嶺外殘山入望低板橋迤邐渡清溪田疇交錯千林

路松柏參差十里堤
地暖風薰饒草色
春殘花落亂鶯啼
生平技癢惟詩句
又向軒前取次題

憇德新驛亭

何許茫茫是尾閭
水天無際混空虛
野棠沙岸紅初綻
楠樹村墟綠漸舒
盤割腹腴紛海錯
齒甘牙軟富春蔬
漁翁傲睨滄波窄
去八懸涯刺鯪魚

次平海東軒韻

五里門闌十里村
棘籬茅店壓平原
郭流處處初鋪
畝種竹人人自作園
物外風烟多澹蕩
醉中詩句闌

清溫春光盡逐花飛去綠對陰中百鳥喧

次越松亭韻

並海漫上一路長白沙如雪映蒼松玲瓏虛籟迎風
響盡夜驚濤拍岸春螻蟻豈能侵玉骨烏鵲終不犯
虬龍漫山桃李皆麁俗獨愛青口萬古容

到溫井館

陰火炎口扇至和燭龍釀水吐巖阿暖光潛侵扶桑
日靈派遙連織女河不數驪宮澡麗質便知蘇井愈
沉疴身如俊骨乘秋快高卧晴窓意自多

小雨

細雨霏微不作霖風吹雲葉度遙岑簷牙紫烟泥喃
語樹底黃鶯婉姬音但得一犁滋麥穗難教千畝掉
秧針恨屯膏澤無施普未慰三農悵望心

聖留窰

雲山枕清潯崖坎成絕壁崑峨與天齊高聳三千尺
巖巖劃中斷如遭巨靈擘滿竇應真士厥數實五百
孤巖香火絕室虛芳草積有穴甚黝黑正當山之脊
邂逅逢故老爲余談歷代初終丹梯下平地旋幽僻

鋪地盡青泥撐空皆峻石石勢亂參差玲瓏巧刻畫
或如架棟樑或如擯矛戟或立白衣尊或蹲黃金狄
浮屠聳嶙峋幢幡明的皪或立古雅士翩然衣縫掖
或如窈窕娘娟然露肘腋或越綿邈郊或遵瀕漫澤
或渡垂虹橋或抱銅柱碣鍾簾儼懸設叩之應空寂
冷々谷中水波濤相盪激蒲空綠霏々灑面多靈液
有汁如鍾乳味甘如飴瀝餐之久忘飢可以調肝膈
堅凝若瓊玖燦爛成琥珀竒壯千萬狀五色絢丹碧
焉知九泉底有此神仙宅應有喬晉徒永與塵凡隔

不然驪龍蟠銜珠此屏跡又疑陰火焚倏忽生霹靂
懸繩表歸途始知適所適苟迷咫尺間永爲竇中腊
我始聞其言心神增怵惕戒人勿近傍臨穴還蹴踏
家亭是何人好奇無幽撫視死如鴻毛未免高人責
竒蹤自今古觀者紛絡繹仰讀東遊記三嘆空慊亡
徘徊不知返路暗山已夕

興富驛後岡點丹花盛開

萬點園林麓紛紛特竒絕黃花堆熲爛翠葉吐葳蕤
樹密鳥聲亂風寒春事遲恨無朋友輩剪藥侑金卮

次原城裏薔薇半開

鳥啼花落送春忙
綠樹風薰日正長
葉底亂圍金斗
帳枝頭半坼錦香囊
映簷璀璨晴搖影
滿架紛紜刺送香
何處水晶簾幕裏
共看繁艷舉瑤觴

到江陵復次軒韻

鶯啼燕語送殘年
春盡晴和四月天
綠藕葉生浮水面
紫桐花落擁牆邊
狂風吹散三山雨
暖日晴涵萬壑烟
吏寂東軒添午睡
暫時相訪枕中仙

春早

其雨其雨雲埋空有時亂點飄空濛飛廉騁怪鎖豐
隆海上慘慘吹涼風朝正側目滄溟中雲間日色射
血紅田龜盡圻如遭烘秧針麥穗皆枯最朝廷閉籴
不周窮萬姓何辜成疲瘡去年海曲少稔豐今年蔬
藿常不亢倉公扁鵲術雖工無藥何以收奇功我爲
民吏恒匪躬視民疾苦如己病願寫微衷達四聰天
門九重邈難通一年鞍馬走西東訖無寸效心忡忡

過木界村

迢遞丘山路坡陀木界村行從蓬島境更覓武陵源

谷鳥晴相應巖泉怒相喧紅塵不到處空翠落紛

次旌善軒韻

銜書來下五雲鄉原隰驅馳得更詳
滿貂城頭傳鼓角朱陳村裏訪耕桑
咨詢民瘼才雖短嘲弄風光咏甚長
謬墾菑畲承雨露每慚樗櫟際明良
一區民物歌豐穰千里關河絕寇攘
紅蕖翻階鈴閣靜流鶯自在侑深觴

憇平安驛

星嶺凌空鳥道危平安孤館傍山隈
編籬作郭皆麻

骨蓋星乘簷盡樹皮鬼麥叅差連石徑湫流鳴咽瀉
溪湄綠陰深處黃鶯鬧手倦反顧半景遲

過紫石山下

君不見端流三種皆神品
晶熒爛如錦又不見
青州所產最多姿
紅絲理作含風漪
金池歛嶺浪得名
龍尾鳳咮誰重輕
千金購求未易得
夸奇衒異紛縱橫
豈如桃源棹城百里間
倚空山色青嶺岏
山頭至骨正凝紫
腴紋隱映如馬肝
研磨幻出鵬鷁血
明星粲爛光照室
年年充貢奉至尊
餘波亦潤鑾坡

華山中片石可抵鵲散入長安千萬落文房護愛如
藏珠農夫視之等沙礫誰知頑然磅礴質派接陶泓
俠即墨充梁溢棟千萬言賴此一石垂無極

次寧越北樓韻二首

萬疊雲岑矗西流一水通閭閻成密櫛民物飲仁風
蜂亂藁花吐蠶稠桑葉空朱陳淳朴俗堪寫畫圖中
路趁清溪八人隨異境通松林晴翳日麥浪亂搖風
鈴閣琴書靜黉堂雀鼠空欣聞五袴詠身在蜀城中

到原州逢喜雨

雄嶽龍鍾挿太虛興雲釀雨灑郊墟暗添溪水來穿
巷飛入簾帷潤透書霈澤萬家蘇槁麥洗塵千圃發
嘉蔬此身已任憂民寄客裏愁眉一半舒

次憑虛樓韻二首

幼學詩書欲壯行君恩如海沐鯁生謾持牙節巡
河陝頻聽絃歌到武城宣化棠陰無實惠題詩板上
愧虛名寄言辛苦田間叟耕野何如我舌耕

冒景常愁跋涉行登樓偏愛嫩涼生穀最為藥紅翻
砌萬縷垂楊綠滿城乳鸞傍簷初學語流鶯穿樹自

呼名一簾疎雨驚殘夢起看肥牯赴隴耕

過清平山洞口

駐馬斜陽望碧岑層崖對木晚沉沉雲藏半腹知山
大水瀉飛濤覺洞深居士高名輝簡冊豐碑遺跡照
禪林若爲往踏金沙界蒼苔花開緩步吟

宿加里村

萬死冒險茅茨林谷間硤田無寸土荒境盡重巒
拾鱗移沙石嫌虫刈草菅清風楊樹下時復弄淺溪

次麒麟懸壁上韻

歷險凌巖幾往還
荒涼陰壑自風寒
心愁羨彼帝禽
樂身困憐渠老
樹閒屢涉縱橫
千澗水仰攀嶒
嶸萬重山不曰
鞅掌馳王事鞍
馬何由到此間

次棋蹄軒韻

小館依林麓
蕭條似梵家
林禽初結子
芍藥已開花
不酌鵝兒酒
空斟雀舌茶
憑欄晴日晚
吟苦帽簷斜

題揚口軒韻

度壑穿雲緩轡行
樹林深處聽溪聲
天開沃野包揚
麓山作奇峯
拱四明
滿畝秧針分水種
連村麥浪逐

風生此間刀犢無人佩布穀如何苦勸耕

憩方川驛亭

谷邃村墟少途長傍茂林石灘流水駛松嶠暮雲深
靜對山前雨愁聞柳外禽客中何所樂只益雪毛侵

迎神曲

清晨鼓笛花山阿端午隍神降人家競扶風馭相傳
芭鴉鬟萬袖紛婆娑老巫變顏降神語穀朝醴邁同
飽飫漉醪炊黍自來去歸途月黑長林阻潦流洩
紅芍藥邂逅相逢爭戲謔偶因神會醉為歡不必更

憑青鳥約

送神曲

雲林蒼翠多喬木
葑撿芝樑編小屋
坎二伐鼓振幽
谷茅縮清醪宰黃犢
爭膜萬指祈百福
滂祀年年自成俗
三日醉歡猶未足
又向豪門來糶穀
紙錢燒罷風生寒
渺上霓裳不可攀
攔街兒女紛聚觀
送神萬騎還松巒



在鐵原逢端午

蒲觴誰侑酒
如泉高枕東軒
獨自眠縱免湘纍悲
願

頷難將吳草闌嬋妍芳草易向愁中老佳節多於馬
上捐遙想長安千樹底幾人撩亂競鞦韆

覆盆子

翠蔓縈林曉露溥累累萬顆點鈆丹既凝芳脆還成
味半帶微甘又剝酸龍眼不須披錦殼鶯批何必薦
金盤竟將崖蜜和漿飲足慰相如渴舌乾



...

...

...

...

...

虛白堂詩集卷之十

虛白堂詩集卷之十一

男 世昌 編集

詩

刈麥行

池塘黯黯初生葦
栗木放花垂鼠尾
千村麥浪綠搖風
滿畝漸變彤雲起
彤雲迢遞望如沅
村中五月如深秋
竹雞鉤輶布穀歇
雲天翻黑玄悠々
農夫腰鎌婦具筐
舉家遑々十指忙
朝從上隴復下隴
長歌短謳相低仰
將穗成束雙肩賴
登場盡日聲彭々

魄二應南北歟糖熬粥當香粳田家有樂亦有苦半
輸私家半公賦聚升哀斗計未成里胥經過叫前路

凌波臺

真州海上凌波臺層巖絕壁高崔嵬亂峯無數挿海
隈崢嶸礧礧何奇哉千尋玉削無纖埃如遭鬼斧煩
剗裁紫檀叢生雜錦苔蔓纏瘦骨依根發巖空竇穴
呀然開霜濤翠藻相縈回驚々泛々東南來聲撼坤
輒騰晴雷奮起萬丈銀山頽參差散落飄瓊瑰神區
勝境雄八垓此臺亦是關東魁青紅唇閣浮龍堆揚

帆何處尋逢菜東溟萬里小於盃雲夢不獨胸中恢
英雄今古幾往回我來登眺仍徘徊百年身世駒隱
催行樂未幾還生哀如何不盡樽中醅

次平昌軒韻

奔走東西不定居少年豪氣散無餘客中鬢髮蕭騷
短馬上光陰次第除黃鳥鬧時閒引睡綠陰深處靜
翻書軒齋咫尺臨溪岸雪落盤心屢膾魚

次雲錦樓韻十首

碧玉千竿冪小臺紅雲萬朵醺波開最憐紅綠交加

虞嬭上香風泛酒盃

凌波仙子倚瑤臺醉暈嬌紅笑壓開絳是無情未解
語傾城風骨侑深盃

關東無限好樓臺山水能令心眼開愛此天機雲錦
段臨地洗酌不停盃

層樓倒影落平臺風射軒窓八面開倚榻看花拚一
醉黃流晴盪紫霞盃

參差琪樹擁涼臺滿地濃陰密不開薄牒日稀庭宇
靜時鸞象鼻作瓊盃

淒涼舞榭與歌臺空見朱華爛熳開風送清香如有
意殷勤吹入手中盃

千尺高樓百尺臺幾番花落幾番開英雄降替有如
此有酒須傾三百盃

巫山雲雨鎖陽臺行到臨瀛霽景開賴有青蓮幕裏
客論驚邂逅共傳盃

詩成吊古獨登臺花竹欣然向我開解釋客中無限
恨陶然花下兩三盃

熙仁民物囿春臺烟花村墟壽域開洋溢海隅霑

聖化芟荷香裡坐銜盃

復次竹西樓韻

解衣盤礴卧高樓
蒲面清風忽送秋
嫩綠侵牕知樹影
寒聲到枕認溪流
故人相遇一盃酒
此日同銷千古愁
坐久機心還自息
白鷗忘我々忘鷗
浮雲變轍掩危樓
聞耳蟬聲已報秋
風裏柳絲搖不定
雨餘山色滑如流
遊魚戲浪有何樂
病客憑軒無限愁
飄泊海山奚所止
此身真是水中鷗

食朱李

骨抱清香臉帶丹
垂枝萬顆露漙漙
最宜磊砢沉寒水
却好團圓疊玉盤
沈約當年憐縹果
韓嫣何處遺金丸
暮年搖脫昌黎齒
莫向荒蹊屢正冠

雄嶽山

峨上雄嶽山鎮壓原城界
列施東西驚勢若神駿快
峯高萬丈雄洞落百泉
泓興雲釀霖雨闔境蒙霑灑
田疇紛綉錯彤雲連稻稗
萬室枕山股豐稔無凋瘵
宜乎載國典春秋設祈祭
五臺縱嶄巖比此有隆殺
為山貴有功不必廢靈恠

過秦封古都用平康軒韻

長郊渺渺暮雲平
宮殿遺墟秋草生
傍樹人家餘幾
落穿林溪水抱荒城
雨侵石馬埋唐徑
日照銅駝立
晉荆麋鹿姑蘇臺
下路西風懷古暗傷情

詠金城鳳翔花

五色雲間紫鳳翎
隨風白日落寒庭
高飛不復翔千
仞留作西風一種馨

彌魚

茫茫滄海窮無涯
百萬魚龍之所家
弱肉強食互吞

噬次茅驅迫相牽挈其中彌魚尤細鎖敲擁水面紛
如麻紛二蔽水上爲黑白鷗蹴浪搖銀花有時風捲
湧出崖亂如山積填泥沙漁人乘舟齊擊楫爭持網
罟來相遮年年取此作枯腊充牣石排千家海濱
人人飽醒味縱值飢歲無咨嗟我行到海親自覩此
事堪向山人誇

襄陽逢僧戒說次其詩卷韻二首

真如了法性慧劍發光新月印千溪水花涵萬象春
本心如水鏡何處惹塵埃柳絮粘泥久澹然無慮人

無住是真住巖崖發興新錫飛鞞鞞路鞋踏洛伽春
雲壑生靈籟潏流絕點塵獨行仍獨寢唯願不逢人
與府使柳季源巡審秋稼憩溪上省捕銀口
魚有作

作筍承流郭兩傍遊魚作隊自悠揚參差銀頰搖波
影撒刺金鱗映日光紫葍穿腮登鼎俎鑿刀研膾笔
椒薑秋花好占豐年兆邂逅同斟綠蟻觴
倚雲樓中中秋夜對月書懷
輪魄今宵蒲意明碧空如水露華清姮娥縹緲雲間

迥桂影婆娑華底生獨向南樓懷庾亮難從北渚訪
袁榮一聲長笛來何處喚起家山萬里情

竹西樓下潭捕松魚

大嶺以東多清流游魚潑二乘秋稠遡沅直上林壑
幽知進不退如蝸牛有時屏跡潛深湫含唼苔藻依
蛟虬漁人雜踏田蘭舟凌波布網發棹歌賴尾撥刺
落沙洲赤手就拾穿其喉長繩倒曳升瓊樓銀鱗閃
閃空中浮鹽齏十載恒飢調暮年齒豁飫珍羞爛烹
腹腴膏且柔含盃捫腹百無憂江山勝地挽我留樂

或此樂誰能儔出門一笑天地秋

登知峴採松困

萬樹陰中鳥道危
滄溟滿目渺難期
行携范轡登松嶠
坐憩商顏採肉芝
淨洗尔添清澗水
烹膾還貯百花瓷
紛々海錯何須數
異味更於老齒宜

登馬墳峯觀海魚

海中貝闕金梁恩
葯房蕙掠辛夷梢
鮫人織綃雲錦機
晴蜃起市跨雄奇
陽侯嫁子親結褵
馮夷擊鼓天吳馳
百怪作媵相追隨
暎暎出沒光參差
跳波噴沫

翻銀鬢波耶魚耶遠莫知中沅漾々恍萬舞微風吹
散晴空雨紛々戢々相响聚目極滄溟難可數願隨
飛鴻動鳴臚橫遮萬里施長罟一取百萬烹大釜餓
及邊人如糞土生平壯觀誰與伍寰區之內稀所睹
呼兒取筆記奇遇茫然久立寒沙浦

夜題客館時聞伯氏訃音

客裏光陰易搜易音書渺々隔東隣一身多病百年
半萬事傷心雙淚垂悵悵難歌常棟簞寂寥空詠鵲
鴝詩夢蘭枕上還無寐月黑虫吟夜靜遲

咏秋山紅對

千林紅樹萬山春
照水繞空一樣新
觸眼秋光堆爛熳
夕陽鴉影正愁人

紅步鄣圍金谷春
越羅蜀錦剪初新
豈知絕壑幽崖底
富貴風流屬旅人

青女噴霜別作春
紛_上猩血染枝新
停車石徑忘歸去
詩思飄然杜舍人

人參

地靈多異物
香霧滿山溪
婀娜三枝秀
葳蕤五葉齊

劑和分佐使烹飪用刀圭願保殘年性紅塵不久迷

原城書事六首

原隰咨諏後營中獨坐時節旄當砌偃書卷蒲床披
衙吏稀呈牒村賓引對碁閒中無限趣隨意占吾詩
東樓臨大道林樾抱郊坳一派溪流白千村樹影青
平疇連渺々孤塔聳亭仁搔首斜陽裏鬚鬢滿髩星
觀音何代事一室位荒坡金像堆淤戶豐碑仆澗阿
香燈今寂寞雲雨屢經過來濮多淫俗相酬爲藥歌
崎嶇山水窟一路走西東雄嶽雲峯峻鵠原古堞空

哈丹曾犯境冲甲坐成功千載民安業猶懷凜凜風
履霜歌葛屨儉嗇及唐餘遵隴長監稼臨流不釣魚
林間多大星郊外郭清渠萬億家家庾陳紅富所儲
萬稼半登圃西風生暮寒綠枝懸鴨脚紅藥踈鷄冠
傍樹三义路携壺兩小鬟半酣何處酒閒帶夕陽還

孤石亭

野濶天低路半蕪碧潭如鏡傍仙隅峽開絕壁千重
峻石作奇峯百尺孤小穴緣崖穿巉巖古碑沒字已
模糊穆王轍跡巡遊遠立馬溪頭付一吁

登歙谷侍中臺

常慕神仙物外蹤
夕陽携酒到奇峯
兩邊湖水胸前闊
萬里滄溟眼底通
雲盡長天環翠岫
沙鳴周道擁蒼松
擬尋蓬島拾瑤草
始信塵寰如螳封

登叢石亭是日雨用前韻

舉鞭吟過蒼王峯
馬蹄到處秋光濃
東風吹雨灑空濶
雪浪打岸銀山重
遊叢石亭前路
石蹊依舊穿虬松
天工鬼斧巧雕鑿
神區勝景真難逢
仙曹羽客若長在
擺去世累吾當從
摩挲古碑三歎息
白鷗飛

去雲無蹤

冒雪入原州

去年逢雪到東關逢雪今年尚未還
雒嶽雲連迷黯澹鵠原風舞暗孱
顏病餘瘦骨寒生栗馬上吟肩聳
似山少壯已酬弧矢志老來身似不如閒

到松峴與新使洪養善相會一笑而別去年
至月二十五日發軔今年至月二十五日入
京正瓜期也

挽袖離亭酒一搏行踰松峴醉醺醺
昭陽對接龍津

樹覆鼎雲連木覓雲去歲雪花方颯今來江水尚

汙明朝竣事丹墀下釋子還迎已候門

碧蹄館留別世享世通

乙巳年公以子秋使赴燕京作

憐渠來送野渺上各東西拔淚情何極攀裾意轉迷
馬頭村對暗眠底嶺雲低無限心中事臨歧試一題

箕都八詠

密臺賞春

雲間錦繡山光濃牡丹紫翠環重峯臺空石老荒蘚
合仙子一去尋無蹤東風幻出韶機早爛熳羣紅覆

芳草都人絲管競良辰酒酣齊唱春光好

浮碧玩月

彩翬跋翼紅崢嶸上下倒影搖空明姮娥歎揚玉斧
手十二欄曲凝瑤瓊桂花紛紛落香雪散作清輝照
肌骨洞簫聲斷江雲空起瀉黃流雙耳熱

永明尋僧

江頭寒雲橫素練滕六吹弄瑤花片蹇驢偏側石徑
高桑門親訪維摩面茶瓶細作蚯蚓號首經夜燭紅
沅膏鬢絲禪榻風颺上夜闌共作蒼松濤

普通送客

城西一路平如砥挾路垂楊連十里
曩日黃金萬縷絲不繫春風遠遊子
輕塵不起微雨過幽燕回首愁雲多
攀裾把酒不忍去旁人更唱驪駒歌

東門泛舟

南湖流水清漣漪淡粉濃抹如西施
蘭橈桂棹揚素波水中倒影千蛾眉
笳鼓哀吟碧雲暮白鷗鷺驚蕩春風
羽壺觴今古幾人遊腸斷沙頭芳草路

蓮塘聽雨

玉井荷花香婀娜紅雲蘸鏡嬌
將韓顛風吹雨翻翠蓋無數明珠跳
萬朶水晶簾動生微涼畫屏銀燭新
秋光巫山夢斷忽驚起寶瑟彈和雙
鸞鴛

龍山晚翠

長空澹々浮晴嵐連巒疊嶂濃於藍
芙蓉暖翠晚逾好行人橋首停遊驂
斜陽潑灩紅欲死丹楓翻鴉水雲裏
若爲笑倩摩詰手畫描清景移屏紙

馬灘春漲

春江流澌半篙漲拍岸奔迸桃花浪
漁人爭唱竹枝

詞傲視滄溟刺輕舫船頭鯉魚吹菱花釣絲裊
風斜得魚沽酒不計錢往輸歌吹紅縷家

到遼東有病

炎塵漲路病侵身行到遼陽轉苦辛枕上思鄉頻有
淚堂中侍疾亦無人異鄉節序愁邊過老境生涯夢
裏春誰似化仙千歲鶴歸來華表識城闌

孟秋三日詣文華殿賀千秋節

雲開五色繞青宮仙仗繽紛颺曉風春入蟠桃初結
子星流華渚竟成虹鳳簫聲逐鴻臚唱龍袞光浮瑞

三
旭紅隨例濫從冠冕八千齡祝壽共呼嵩

太監姜玉送御厨珍果

楊梅

珍重楊家果生平所未觀御厨分異物旅館慰儒酸
鶴頂光猶燭龍睛血未乾若為懷羨顙竣事薦金盤

青梨

醞藉風姿美青田剗占秋忽然來釘坐何苦覓封侯
似密清沅齒如漿潤透喉相如久消渴今日百無憂

朱李

嘉慶多名字人嫌不正冠千枝懸磊砢萬顆疊團圞
豈是路傍苦却疑龍血殷最宜沉井水一嚙遍肌寒

香桃

幽燕宜五拔萬落總名園脆肉色湘枝豐肌點紫璫
欲從王母馭歸覓武陵源學得三偷術長生養道根

林檎

繁枝和露滴箇箇有清香嫩碧輕凝玉微紅半暈房
右軍書作帖王謹好爲郎千萬城中樹禽來自在嘗

西瓜

漢落如瓠大團一貌更奇盆沉蒼玉質刀割水晶肌
繞齒瓊漿冷撐腸雪液滋炎塵從此避身世遡靈颶

食驢膈

賓館日偏長愁吟病在床飢腸長不果佳味得今嘗
熊掌羹專美牛心亦未良仰賡山谷句更起舉深觴

畏蚊

庭黑日初沈羣飛謾苦侵細身輕似羽長喙利於針
擾一初嬰鬢營一竟透襟難堪高枕卧達曙亂雷吟

畏蝎

聞道在南土于今來北方乘虛穿壁砌伺睡入衣裳
曲尾潛含毒羸膚每被傷成王是何者驕暴媚齊皇
賀邵鎮七十生子鎮求用東坡賀陳述古生

子韻

熊羆感夢落村墟產此麒麟天上雞弧矢已懷千里
志箕裘應飽五車書鍾情正在稀年境毓慶應緣積
善餘寄語古人陳述古歡娛相賀意何如
邵鎮求詩留別復作二首贈之

安樂窩中一幅巾愛吟詩句葆天真鄴侯籤軸書多

富顏巷簞瓢道未貧
汗血成駒憐逸驥
齊眉舉案對
新人暮年六鑿還
紛擾共醉堂中不老春

青眼相逢十載前
于今華髮各飄顛
風前嘯傲陶元亮
驢背推敲賈浪仙
燕市酒盃重把臂
鴨江雲樹遠遮天
紛袍舊意無人會
寄與蕪詞比繞鞭

回到通州見縉主事乘舟往徐州

分司戶部郎節鉞
照秋陽帳捲佳人坐
床間寶瑟僵
青衣鳴畫鼓
黃帽盪蘭桡
何許徐州在天低
水渺茫

漁陽途中

十里郵亭五里閭開廬列肆富豚魚離披影動翔空
鴿輾轆聲催旋磨驢紅玉皺酣千對棗碧羅鋪剪萬
畦蔬牛羊滿野秋初穫行不齎糧樂有餘

回遼東喜逢

聖節使韓同知

價

幾日望東軍今朝喜遇君先知鑒署信復見驥兒文
談笑未云洽衣袂還見分一盃情不盡期到醉醺

踰高嶺

艱關踰峻嶺危徑抱巖扃樹杪山梨赤林間木賊青
浮雲皆石磴斜日下郊坰腸斷無人處風泉滿耳聽

義州牧使李叔度邀至衙內夜飲

各呼窈窕娘賓主會華堂舞袖紛飄席歌聲妙繞梁
風霜經塞徼談笑接盃觴爛醉扶歸去更長夜未央

留箕城三日監司與兵使送至南浦

時監司朴公槿

兵使鄭公蘭宗

行出都門十里脩蒲街楊柳暮烟愁元戎築戟臨遙渚
方伯幬帷駐小樓羅綺三行開皓齒航舡一棹颺橫流
夕陽長笛催離怨醉倚蓬窓更少留

虛白堂詩集卷之十一

虛白堂詩集卷之十二

男世昌編集

詩

自京兆尹按節關西

丙午年公以平安道監司赴關西作

難將鉤鉅得民情不似當時廣漢明五日未施京兆
化又持旌節住箕城

希亮伯彥耆之叔強來送子野

老我年來屢遠遊親朋來送澗溪頭東西分袂三年
別去住關心萬斛愁馬上繡衣真可怕箇中綠酒不

須酬憑君莫唱陽關曲芳草斜陽恨轉悠

時有畏禁
貯酒筒中

而來
者

八平壤府

芝詔來宣五色文畫船如簇湏江濱旋旗影裏衣冠
走羅綺叢中鼓笛紛騎竹兒童狂似犖填街士女開
如雲都人手額爭相持此是朝天舊使君

楊花

樓閣參差拂紫烟萬條楊柳大街前悠揚自作城中
雪飄蕩還成岸上絲亂攢紅粧縈舞袖巧穿朱牖點

歌筵却嗟種_口雙蓬鬢一白今朝不復玄

渡清川江望百祥樓用其樓韻

直向江邊不上樓客中羈思邈難收春光荏苒雙飛
鳥世事回還一轉頭楊柳烟深迷極浦波濤風靜泛
輕舟平郊遠接寧邊界一路漫_口傍北洲

題寧邊決勝亭

千尺層巒萬丈潭春深流水碧於藍鳥穿浩蕩孤飛
遠人在虛無靜影涵羃野草光迷苒_口覆巖花雨落
氍_口我来但覓溪山趣決勝韜幹找不堪

偃武亭

碧玉江流一派長
孤亭偃蹇倚崇岡
聖朝偃武脩文德
過客尋詩舉酒觴
銀縷落盤魚腹細
紅爐熾火雉膏香
夕陽紅袖紛爭舞
人在舟中樂未央

次慈山軒韻

花落花開年復年
還從郊外到山前
隔林籬落知多少
桑柘晴烟一水邊

殷山駕鶴亭

山險多青嶂
亭高俯碧流
烟村昏欲暮
風樹凜先秋

欲覓區中景當從物外求坐邀雲裏月倚杖更遲留

次成川降仙樓韻

茂林喬木擁平泉倦客登臨席更前夾岸麥畦經雨
嫩依山茅店與雲連初尋盤谷疑無地更覺蓬壺別
有天物外若爲逢禦寇仰攀霞袂御冷然
俗骨無緣服乳泉偶回王事到樓前桃源作記陶彭
澤芳草吟詩謝惠連北闕雲烟迷遠夢西來旌旆拂
晴天分憂屢布棠陰化不數騎驢孟浩然

次江東軒韻

縣人愁歲寒行子喜春晴
隱几看雲色開簾待月明
花鬚紛擺雪鶯舌巧調笙
吏散簿書靜身閒更適情
次咸從軒韻

平郊連碧海古邑倚青山
客路烟光外人家對影閒
地偏賓旅少訟息吏民間
為藥紅翻砌憑軒一解顏
題肅寧館

南北使華星年上不暫停
門前人自擾堂上客惟寧
猶勝褒城驛真為僕射廳
經營加貲歸金子久留馨

次龍川軒韻

危城憑絕巘百二笑秦強金鑠拋朝雨牙旗卧夕陽
居人韜武畧行客擅詞塲綠樹風軒上披襟快楚王
到義州奉別千秋使朴性之安性二首

去年端午此徘徊端午今年又再回豈料關西重
邂逅菖蒲樽酒為君開

風月樓中兩日歡追君今又到龍濟一盃唱徹驪駒
曲鶴野箕城兩渺漫

宿方山鎮

渡澤逾峻嶺斜日到孤營塹設三重柵原環十里城

邊庭皆妥帖寇盜敢縱橫村落民無事熙熙遍野耕

次朔州軒韻

羸駝驅不進林麓已斜曛怯渡千溪水愁穿萬嶺雲
葦蘆迷狄壘牛馬散轅門聲教覃遐域人口揔學文

題昌城館壁

巨鎮堂々壓大江招搖赤羽注長杠營中將是班超
老坐見夷酋繫頸降

八昌州鎮

屹々城墉壯臨江振虎狼昔年征戰地今作黍苗場

組練爭分隊戈矛簇耀鉉儒生兼節度行色倍輝光

踰詰忽嶺

盤口九折坂高如上青天噫嘻蜀道難當時愁謫仙
我生多歷險南北苦逆遭豈意胡虜境復陟崎嶇巔
盤回路不盡兩脚如拘牽長嘯登絕頂坐憩雲樹邊
是時雨初霽氣爽風冷然矯首望異域峯巒翠相連
叫卒放砲火萬壑晴雷聞黠虜應褫魄遠遁天山前
房人謂此言似壯還似顛豈以一矢力先聲落虛絃
禦戎自無策姑賦遠遊篇

題碧團鎮二首

城裏參差板屋多
三冬計活苦蹉跎
如今江水限南北
人散郊原牛散坡

江上峯巒聳盡屏
螺鬟倒影水邊青
更憐隱映松間照
分散餘輝嫩晚汀

題碧潼東軒韻

金牛通道白雲間
一片高城萬仞山
胡騎不傳青海箭
邊人長啓玉門關
黃沙磧遠狼烟息
銀兔符藏虎旅閒
徙倚戍樓初縱目
夕烽無事照清灣

踰巨雙嶺

犖确石間徑盤回如絙繩寸進骨酸苦人馬相攀登
登々行不盡馳上最高層天風吹短帽涼氣生衣稜
羣山眼底卑轆葛青相承婆猪内外境天驕所憑陵
靈陽在河許渺々浮雲騰北方第一險尺五天可凌
所願恬四體垂堂常戰兢如何奉遺體每歲穿峻嶒
王陽語不誣千載宜服膺

次理山東軒韻

崇墉總在翠微間南客初來試險艱早歲讀書曾有

志壯年分閫敢懷安山川不識宦情苦禽鳥似知詩
思闌堪笑謫仙談劔閣使人聽此忽凋顏

題渭原客舍

古城曾被鬱攸灾更尋新城傍水隈人物蕭條少籬
落石田硤确半蒿萊雲連絕塞山河異日沒譙樓鼓
角催屈指歸途脩更阻客中離恨邈難裁

宿北洞合排驛

數間茅屋小萬樹綠陰幽櫪隘難容馬楫低屢打頭
勞心長取道多病又離尤豹脚來侵骨那堪輾轉愁

登江界仁風樓次樓韻

絕壁層層萬丈餘，飛樓偃蹇跨空虛。
幾年局促投龍鳥，今日悠揚縱壑魚。
風急江濤銀屋湧，雨晴山色翠眉舒。
豈地荒徼崎嶇地，有此神仙簡寂居。

自坡院踰狄餘嶺

白山高幾仞，峻極千層旻。
玲瓏巖壁罅，飛瀑垂天神。
喬木千百尋，松檜青輪囷。
簫笙在半空，風來自吟呻。
欲省最高頂，屢倒頭上巾。
往往蒼玉質，半作白龍鱗。
苔髮垂枯枝，顛倒推爲薪。
清泉映白石，步屐無纖塵。

清虛仙洞府發興在高紛上
人荷戈子往復誰珍

立巖

一片高峯石巉巖枕澗湄
流雨森礪刃聳空利於錐
却疑叱羊日還似望夫時
宋人善刻楮比比未為奇

題開平驛

川合水初濶山低地未平
田家憑短墻郵館枕脩程
桑葢纏林黑櫻桃照棹
賴客中時序搜覽物寸心驚

次魚川驛壁上韻

世事紛紛幾許悲
每從山水過顛涯
功名已足身先

老歲月如沅鬢欲衰
樹鶯花遲返旆藥山歌吹慰
羈思今朝始脫崎嶇險
道路胸襟兩坦夷

題寧邊運籌樓

藥山城裏運籌樓風景何如沮水洲
欲憩華筵伸病脚旁人錯道爲花留

登安州百祥樓戲用前韻

爽籟發空風滿樓雲消雨霽彩虹收
落霞孤鶩無邊景秋水長天不盡頭
畫棟朱簾輝極浦鳴鑾佩玉載扁舟
此樓變作滕王閣薩水何殊帝子洲

東館行

有館有館東城墟雕甍繡闥深渠上墻垣豪丈容百
車高堂允矣君子居城中魚鱗接閭閻揮汗成雨連
枉裾蒲庭訟牒紛猱狙卯酉斫二勞簿書東軒窓櫺
豁且疎日日退食恒躊躇垂楊萬縷陰庭陰方塘綠
水涵笑渠自慚不才如櫟樗日食萬錢食有魚樂天
行樂五十餘江洲箕城誰勝歟我用琴書送居諸老
年事業真相如

荷花

方塘水寒風日淨翠蓋亭上蓋明鏡蓋底水仙開笑
靨紛紛紅綠嬌相映不如窈窕樓上人步上羅襪香
生塵勸君看花兼聽歌爛醉壺中不老春

荷露

雲天自作鮫人眼千行萬行清露潛紛然寫下青玉
椀化作明珠跳復散媚池照水箇箇輕賈胡見之心
應驚豈可充耳爲琇瑩會纏花卉繁如星

患盜

關西無賴輩慢遊不事耕非徒肱囊筮漸弄潢池兵

夜行掠人馬晝伏竄棘荆遷徙如鳥集東西肆縱橫
我為一道主扼腕心未平鄒雍善視盜人莫遁其情
廣漢能鉤鉅當時稱神明愧無二子德自覺顏泚賴
兵韜在吾握不必煩朝廷列郡紛繹騷萬騎環郊坻
狗偷稍解散鷄犬亦得寧忻然集僚佐左右羅瓶甕
今日一盃酒談笑與君傾

仲秋十四夜月明如晝擁衾彈琴

長空湛如掃月出東采遲娟
白玉鏡隱映清揚枝
夜久郡動息蟋蟀鳴前墀
擁琴悄無寐攘腕撫桐絲

彈作離鸞操和以玲瓏辭玲瓏歌且苦掩抑聲悲
佳會自躡蹻人事多參差流愁有良策且復進酒危
十五夜千秋使回自京師余備歌吹往邀浮
碧樓乘月順流而下

徙倚高樓縱遠眸又搖蘭棹泛江流中秋月白當良
夜萬里人回作勝遊鐵笛和風穿絕壁紅粧執燭耀
長洲千鍾百榼情無盡歡者自歡愁自愁

題甌山壁

笙歌送客大同門行到西河日欲昏黃蓋筒頭秋樹

老國靈山上暮雲翻年荒畎畝愁自量路遠音書
斷魂賴有庭前數枝菊陶然談笑對青樽

陪巡察使李相公省審外城田畝

鎬京文物舊繁華箕子遺風代已誇
膺上田原分八井甍二楊柳陰千家生靈
不耐耕耘苦廟議皆思賦稅加亞相春恩
多愷悌都人慎莫怨咨嗟

夜入慈山次軒韻

鞍馬驅馳困暮年夜深迷路過林前不知公館在何
處一點青燈溪水邊

次車輦舘金太僕湜韻

羣巒迢遞繞亭臯短髮蕭森不禁搔身試險艱惟鶴
骨心勞撫字爲田毛撚髭只益吟詩苦拊髀慚無汗
馬勞風捲松聲喧萬壑恰似三峽沸驚濤

嘉山途中遇新雪

清晨初見雨霏々忽作中途白雪飛洞壑風寒秋草
老野蘼翎健野鷄肥

膏雉

邊城山深多草木華虫紛々大如鷺散食荒郊不迫

人琥珀黃膏肥作肉膏流歟炭火猶熾青炆滿室香
氣馥關西至味美無度年々駟騎相馳逐顧焉調鼎
進羹臠仰獻堯年彭祖祝

東魚

北風吹作清江冰萬夫鼓杵聲登登冰開小竇施眾
胃金鱗躍出爭飛騰膳天鑿刀割腹腴紛々白雪滿
盤盂眼花翻井醉一省一片八口精神蘇丙穴嘉魚
應避席穿腮貯簾供天厨

元日記事二首

丁未年公猶
在關西作

十年書劍走關河又見箕城搜物華殘雪尚餘長慶
柳新春又發大同波早朝鷄鶩盈庭賀薄暮親朋載
酒過分閫保釐雖重任五雲遙阻海西涯
華館羣龜鎮錦茵三行紅粉儼前陳羅衽競舞拋毬
樂玉管齊吹滿殿春謾把風流供晚節更同樽酒慰
佳賓遐邦共作新年會不醉無歸倒掌頻

楊柳詞

東風淡沲春無力微雨泔上洗空碧街頭楊柳萬條
絲上垂裊上黃金色黃金嫩色擁朱牖蒲牖春光濃

似酒不識今年幾
攀折攀折行人分在手
分在手可奈何
年年別淚添江波
江南江北豈無柳
不如柳愁緒多

暮春三日戲題藥山館壁二首

早歲生涯困藥水
老來情興頗驕矜
憑君更聽玲瓏唱
雅志嬾輕一束綾

三月垂楊拂畫檐
東風吹雨滿中庭
重階草色細如織
却喜歸途初踏青

嘉山逢赦文拜賀退與捧赦別監設酌

時雷震恭

陵丁字閣大赦

邊城屢聽夜烏啼
貫索當空色絕殊
青蓋臨雍初齒讓
金鷄放赦忽恩敷
仰瞻北極呼千歲
更坐東軒酌一盂
只用閒談慰行李
恨無娛客有笙竽

自郭山冒雨入宣川二首

細雨催春晚
不晴萋萋首蓿長
新塋半披襖
穰蒼顏叟耕破荒
原叱犢行

大澤水開水拍堤
滿堤楊柳暮烟低
看春已過清明節
處處分流作稻畦

到龍川次申次韶登龍虎峯韻兼善前有此
作

丈夫志壯豪且雄日探詩酒又奇功江山挽我去復
回舉鞭策馬登高峯峯高俯海望不極雲夢豈獨吞
心胸鰲岑蓬島迷遠近浪花飛舞虛無中身逢勝地
即為樂塵寰世事浮雲空劃然長嘯依巖磴有酒且
發衰顏紅冷風入松作竽籟恍然釣樂撞函宮醉興
洋洋宇宙窄勸君倒瀉玻璃鍾欲掛雲帆泝萬頃仙
凡迥隔離相通瓊樓貝闕在何許側身無計攀飛鴻

復次車輦館韻

天關白日照神臯
况復邊郵絕疥搔
膚眷濫遭千載會
臣才何啻九牛毛
篆雕事業汗黃卷
節制韜鈴慚孟勞
簿領餘閒高枕卧
滄溟久已息風濤

次雲興館金太僕韻

萬疊雲巒十里河
夕陽籬落傍山多
編荆作圃方鋤菜
灌圃分沍欲種禾
穀賤柳村無摘伏
春深花市息催科
身閒到處笙歌鬧
擬把斜紅挿皂羅

路上聞世安訃音

公夢四子早沒

抱犢年來大瘦生情鍾所在不忘情縱然不及東門
子豈至傷懷哭喪明

賓館書來聽訃音不知指掌血沾襟探環樹穴將何
望淚灑春風恨轉深

邀客到江上

十日含愁不出門不知楊柳已搖村今朝始向江頭
醉爛熳山花照酒樽

風月樓上邀客設酌客令座妓皆折花挿髻
一池春水漾漣漪躑躅臨流發妙姿粉蝶多情穿密

葉青娥無賴折殘枝香凝寶髻時飄落色映羅衫更
絕竒樓上酒闌人已醉暖風吹入繡簾帷

夜聞風雨惜花將盡

桃紅李白競爭榮香氣紛_々滿古城爛熳自添春富
貴嬌嬈長發客風情忽聞急雨乘宵入兼值狂飈振
地鳴却恐離披飄落盡明朝蜂蝶認飛驚

虛白堂詩集卷之十二

虛白堂詩集卷之十三

男世昌編集

詩

與節度使金伯謙泛舟大同江將順流而下
因日暮風亂還泊城頭半醉乘昏而還時從
事官尹希點隨行

畫鷁如飛渡江去潮水仰侵楊柳渚却恐隨潮閣岸
斜回船更在水深處驚風驅濤翻雪花一聲畫角催
旗舉艍遲水濶行不進擊楫中流去何所遙望車門

十里餘西歸恐值風流阻青娥含笑坐浪頭將軍色
墨不得語黃帽鳴_亡競鳴櫓須臾往泊城頭與滿船
歌吹聲沸天膳夫割鮮進芳醕相從痛飲不辭醉滿
席歡呼相爾汝歸來駿馬驕騰驤舍毬門外連火炬
都人聳觀空里聞黃童白叟青衣女人人喚云神仙
曹香風十里驅羅紵樂中之樂少人知若無點也吾
誰與點也與人縱作歡不解子夏愁萬緒

到介川書懷

朝陽已蒲褐客子未晨興簾外忽聞鳥屏間猶點燈

西遵青草岸東陟白雲層在世多分袂愁懷不真憑

次德川軒韻

四山環匝作重城一野漫平掌漾平樹影藏春花已
盡潺流激石水偏清朱陳淳俗皆安業邊徼荒墟不
識兵施化堂陰無寸效只將心力殫吾誠

宿古順川民家

山深春雨足畦麥已齊腰問路初投舍尋詩更陟橋
柳絲烟際亂花影水中搖堅坐探幽趣塵懷向此消
殷山東軒牡丹盛開意欲移栽

姚黃真是百花王
淖約妍姿獨擅場
穠艷豈宜愁絕域
仙根便合種華堂
將憑老境爲歡譔
恐被狂風有損傷
安石東山多雅量
不知此趣本心腸

與客復泛大同江順流下至車門

終日遊玩
用前韻

楊花萬片風吹去
隨風點點縈江渚
蘭橈桂楫謾夷猶
牽過層城綠陰處
泝擊空明揚素波
意氣軒上若霞舉
山青江白興不盡
鶯啼花落春無所
從流直下蒼松崖
十里車門行不阻
輕風捲幔綺縠翻
纖二指底絲簧語
漁夫履冰如平途
須臾散網乞孤嶼
膾雪

紛口滿箸飛鸚鵡盃中斟桂醕爛醉一任玉山倒豪
氣風流壓顙汝苦探歡趣不知返落日照江光似炬
沙鷗飛盡水茫茫愆期未遇吳城女楊柳陰中鼓角
催馬頭齊聲歌白苧逢場及時當作樂歲月如流不
我與但恨同翫非吾徒不見賡詩蘭抽緒
邀千秋使柳希明登浮碧樓翌日又遊南浦
戲用前韻
清江錦纜徐幸去無數紅粧耀洲渚青雲白雲分作
橋下天簫鼓來何處層欄十二憑風高翮舞袖空

中舉行人仰歎呼神仙身世飄然至帝所風月樓中
春夢長雨雲不向高丘阻綉衣大使氣橫秋玉帳佳
兒附耳語笳鼓歸來細馬馱南浦樓臺臨海嶼逢場
行樂須盡歡勸君十分綠蟻醕試放高歌且莫愁東
山雅意應玉汝盡堂銀燭泣紅脂不愁林鴉散列炬
狂言忽轉紫雲眸作詩協律雪衣女採桑孤信誓不
變豈向東池漚麻苧千金高價妙絕倫陽城下蔡應
易與但恨驪駒挽袖詩東門楊柳亂心緒

登百祥樓用樓韻

清風邀我上高樓五月邊城凜蓐收細馬已經芳草
外遊人猶倚畫欄頭江山有意供清眼賓主多情洗
玉舟半醉片巾探晚趣斜陽隱映綠楊洲

題魚川驛三首

峻嶽凌空矗幾層洞門流水瀉崖砮普賢寺在清虛
境應有厖眉面壁僧
世人爭欲奉金仙病入膏肓不可痊三十三壇空費
穀萬民無食不知憐

莫將雲水傲塵寰人世名韉自有歡堪笑元戎多伎

仙在教紅粉照林巒

次熙川韻

仰望白雲端青攢萬仞山
鳥啼芳樹裏花覆盡欄間
客獨含愁坐人應帶雨還
清宵誰與話聊伴老僧閒
憩飛村村樹

峯巒挿霄漢重疊如鐵甕
一路抱巖轉遂壑多晦霧
却怕祝融逼依林釋飛鞚
箕踞百頃陟俯悅潭心空
千嶂環茂對交柯如梁棟
山鳥不知名飛來戲晴哢
清風滌煩襟羣綵一時閑
如入羅浮山忽遇朱明洞

地虛靈籟發彷彿聞鸞鳳安得同心友烟月相嘲弄

宿狄餘驛

催鞭投小館坐待日西斜對近頻彈雀簷虛屢墮蛇
音書省漸阻雲嶠莽相遮蜀魄乘宵苦無眠獨歎嗟

東踰狄餘嶺

白山嶒嶸浮雲端重峯疊嶂爭嶺岼天教神斧巧雕
刊恍如席踞而龍盤叢生雜樹皆珠玕上蔽天日陰
漫上亭上萬丈依巖巒材大恨不遭僊般半空靈籟
常風寒髣髴吹簫駢飛鸞巖面路轉洞壑寬槎牙亂

石鳴濠滿白虹飲潭波紋團里處應有蚊螭蟠二十
八橋如危欄縱橫屢渡踰晴灘香風渡谷多叢蘭濃
綠匝徑山花殘山溪崖澗無旱乾木蘭墜露清溥々
清虛如八玄道壇黃精可採芝可餐鳥道愁絕高飛
翰俯臨壑底毛髮擯捫天尺五空長歎險阻奚啻蜀
道難行登絕頂試盤桓清飈散髮頻吹冠笑撫大地
頻回首身世招忽鵬飛搏却負两眼多奇觀顧無盡
手移霜紈升平邦國安如盤龍荒民物皆騰懽年二
烽火報平安不必函谷封泥九薰風兩階舞羽干北

關稽顙朝呼韓小臣齷齪儒生酸髀肉半消不離鞍
鳴笳疊鼓擁旗竿不數廣文老冷官此行暫脫紅塵
裏馬首高興殊未闌憶君終日憂博亡鳬鴛趁夢趨
金臺一心無變誠與丹欲斬蛟鱷安波瀾匪躬報國
至蓋棺安用跋涉愁心肝

次城干壁上韻

馬上驅馳負歲年北來今日近胡天箕城中路猶嫌
遠却憶京華更渺年

次江界仁風樓韻

山色青
新雨餘登臨倚柱若憑虛區中勝景難摸
畫客裏愁懷已卷舒甕釀雖無玉簫酒盤肴多用錦
鱗魚太平文教覃遐域按堵人人真厥居

樛坡鎮

朝議重民生長年苦戍兵畏胡拋巨鎮縮地作孤城
譙堞閒刁斗閭閻樂鑿耕長江猶遠隔豹虎敢縱橫

上土鎮

控扼慈城境孤墉介澗湄街頭提盡鼓城上豎青旗
田墾磽多石蚊蟲競噬脾邊庭生理苦况又近胡夷

到蒲浦鎮題亭柱

長城口外玉門關付與班超不許還卧鼓戢兵烽火
靜灌瓜施惠羽林間爲開新館綏降虜爭獻奇玩覲
聖顏聲教朔南無遠邇何須銅柱限夷蠻

望皇城郊

平郊渺口長江湄山回水複多清奇何代英雄來割
據至今猶爲謂城畿黑龍王氣堅如鐵蜀猪大業冬
葉衰區々江左抗不敵中原左衽皆胡夷興王之地
大都邑崇墉傑殿憑險巖公侯將種百萬家鍾鳴鼎

食春熙々興亡一瞥就滅沒茂林豐草埋遺基累石
如兵作帝冢金多竟遭牧豎兒當時蹤跡不可問歸
然惟有千尺碑江流咫尺隔天塹恨不讀字摩蛟螭
我來吊古意不歇駐馬斜陽空賦詩

過蘇坦崖

巨嶽挿層旻下臨千丈溪緣崖開線路入雲高復低
危棧半斷續登陟如緣梯石角鉤衣稜巖嶽躡馬蹄
寸步如千金人馬相扶携苟或失一足無計防顛躋
毛髮豎如竹心神飄以淒焉知臨紫塞復此遇青泥

長嘯出風磴喜聞山鳥啼

宿高沙里鎮

石堡憑山枕水崖城中數十吏民家防胡夜上鳴刁
柝種粟人人壘石沙苦李林日多結子芳微巖底已
剛芽邊庭景物何愁慘過客詩成屢發嗟

寫娃知嶺見屏風菜

有美屏風菜亭々滿澗岡葉如蓮葉大莖似芋莖長
冒頂能防雨遮顏可避陽烹嘗多異味薇蕨未爲良

渭源郡逢雨

新城孤挹慮江邊客館蕭條倚翠巔
滿榻翠烟欹枕坐隔簾啼鳥枕肱眠
仰看細雨蒙幽谷却恐滄溟塞巨川
羣僕絕糧如愠見我雖餐飯豈容咽

題古理山驛舍

板屋參差傍綠堤古城寥落有荒蹊
愁人獨背夕陽坐瘦馬屢銜芳草嘶
爽氣透襟溪水近清陰滿地對枝低
黃鸝似識騷翁意終日依林伴我啼

題蘄山廳壁

倦客新從牛嶺回暮年行李困形骸
欲憑高枕閑消

日更有厨人喫酒催

治圃種瓜

畫堂西北隅荒園方丈餘
治爲芋瓜區手自種春蔬
不耐穀雨乾土枯難自鋤
欣然蒙霈澤枝蔓漸敷舒
花開始結子磊砢蒼璫與
退公拱短筇陟圃步躊躇
何期叢劇地有似幽人居
雅志本在茲吾將老郊墟
渡斜灘憩望日寺

水漲斜灘潮退遲扁舟循岸泊
荒陲金仙倚壁開禪
剝黑幣沉江有古祠
逸徑鮮葵堆五色蒲
林圍杏壓

千枝居僧來揖如相識勸我斟茶又索詩

往江西省審李公田宅

昵侍宮闈作北朝承恩漸肆五侯驕沉々堂宇妻孥
物無々田園黍稷饒虐焰紛紛驅赤縣臺䟽剗切達
丹青聖明洞照姦人膽弘顯焉能竟害蕭

憎蠅

紅頭青翼謗多名此處羣飛若化生驅去復來長擾
擾繁滋不絕更營々旋呼朋類穿衣袂競逐羶腥集
器皿我怒時々思拔劒賡詩止棘未能成

憩狄橋亭傷田畝被災

洪水滔々久戰塵雄吞大野沒長橋猛穿籬落傷人
物遠漲田疇害穀苗爭捨山蔬民正苦欲行荒政更
無聊天災旱澇今猶古聖主憂勤類帝堯

江西別館見月蝕

萬落鳴鐃競仰觀東方如墨漸漫漶
蝦蟇食桂心何慘輪魄當空體未安
俄復清光明宇宙忽舒寒影照欄干
中宵不昧玉川子惻悵賦詩雕肺肝

登咸從滌暑樓

綠對陰濃日正中數聲啼鳥野園空
草龍蒲架蒲萄黑雲錦鋪地
萸萸紅了却簿書歌倦枕旋呼兒妓扇
清風僕夫催我馳原隰駟騎騷々又向東

復次安州百祥樓韻

散髮箕踞獨倚樓丘原遠近暮烟收
歸心已在東郊外望眼先瞻北嶽頭
細雨白鷗頻蹴浪夕陽黃帽欲維舟
故人邂逅青樓酒不必紅粧耀澗洲

登寧邊運籌樓宴慰兵使

天作金城鎮一陬千章琪樹擁朱樓
牙旗門外頻搗

鼓錦瑟堂中競發謳挾階羽林鮮鎧胄捧觴庖宰露
希韞鄙儒屢向轅門醉橫槊吟詩助運籌

少年豪氣蓋窮陬高倚元龍百尺樓玉佩鐙仁回趙
舞櫻唇咽仁動齊謳多年苦作鵠伏郊今日快如鷹
脫鞬離席深盃莫停手何須辛苦算觥籌

題三登縣

縣被水災
牆宇半頽

苦雨連三夏澤水八縣衙庭陰成巨澤梁稻掛浮苴
穡事誰能救農夫屢發嗟惟餘地黃草青葉滿堦斜
過江東古邑城是陽壤國所都

陽壤遺墟草樹平
穀家籬落掩柴荆
山川自是興王地
城堞空餘建國名
此日繁華皆寂寞
當時蠻觸幾紛爭
年上進士峯頭月
桂影無心照水明
循審農畝南至石
串遇雨

丘原膺仁傍江湄
茶莖叢生味似飴
九穗同莖參漢史
大田多稼驗周詩
歲頻旱澇終難活
人盡瘡痍未易醫
終日披簑遵隴畝
救荒無術暗齋咨

千秋使柳希明回
還近于浮碧樓

我欲搥碎黃鶴樓
君薰羅綺得名沅
萬里來從紫塞

外一樽坐對青山頭
酷探勝趣不忍去
醉放豪語無時休
日暮樓船遡江渚
笛聲哀怨易愁

戲贈新節度使李公秉正

擬向坡山理釣綸
龍灣樽酒弄經春
豈知負弩前驅客
同掌韜鈴作主賓

送進香使刑曹判書李藩仲封赴京

天崩杞國萬邦憂
繼照离明耀海丘
刑部剖盤資利刃
陪臣執攘傍遐陬
孤鴻啼月初飛浦
落葉隨風忽蒲舟
二十七朝今已過
漫將歌舞送西遊

奉送登極進賀使盧右相思慎赴京

三朝元老德彌昌大厦枝梧賴棟樑
晚自樞要陞右轄敬將箋表拜明堂
秦城半隱烟雲塞魏闕新開日月光
竣事歸來春正好一壺先迓牡丹峯

戲呈副使柳子後子光

豪氣堂二蓋八埏早年功業盡凌烟
手挽弓滿介三百華落詩成首十千
箕壤笙歌重會面燕山風雪拜朝天
羨君氣力猶強健屢把衣裳蟣錦筵

奉送正朝使迓原君李公崇元

行春露冕幾咨詢騎竹兒童拜後塵
截鐙已曾留舊愛舍盃今復對前人
風烟慘澹連郊野冰雪模糊塞海濬
西渡婆婆無與話願同樽酒少逡巡

與遠接使許公宗卿瑞宣慰使李公士高克

墩朴公子啓樾權公叔強健崔公寶臣應賢

承旨李公李男留數日設酌

佳麗名區霽景鮮風流學士揔神仙
東山雅量圍棋局北海清樽敞錦筵
爛醉厭々惟有飲清談麋口不須眠
欲拚賓主連宵樂脫帽從教舞袖旋

陪諸公遊浮碧樓用祈郎中韻亦令曹仲賦
之

樓中勝景十分清倦客憑欄望眼平雲捲山椒蟾魄
湧風吹江面浪紋生錦城烟月牽詩思畫舫笙歌惱
客情冠蓋紛紛幾來往至今佳麗說箕京

士高子啓上京送于舟中是日天寒

北風如箭射重裘寒氣陰陰欲塞流冰岸移舟津吏
苦雪江煖酒帽官愁歌唇啞冷聲將絕舞袖飄空勢
不休却愧老身兼有病從君未得伴閒遊

虛白堂詩集卷之十三

虛白堂詩集卷之十三

六十

卷之四

四

四

四

四

四

虛白堂詩集卷之十四

男世昌編集

詩

題吳信孫古木畫

戊午年在關西作

丹青名下無虛士天機所到誰能擬開元吳生是前身承命往寫嘉陵水盧龍垺對潯河濱燕代風光觸眼新胸襟恢二觀覽富華端變化妙八神清華館裏欣相遇爲我揮灑雙老樹採微夷齊飢而瘦孤立嬰白僵不仆齋中卧病奈太虛呼兒展楮困眼舒頭風

對此一朝愈不須若讀陳琳書

庶尹國珍

安璿

判官子高

鄭叔墀

因事遽職

蛾眉鐵鉞本宜疎素鞞如何不守廬口舌興戎難及

駟城門失火竟殃魚妻孥技淚愁穿雪里胥乘機詐

勝狙堪笑難充谿壑欲誅求鼠壤亦無蔬

先是金碣為庶尹子

遭冊喪中恣淫

官妓登第拜司錄司諫院駁之成宗躬問言根連及安鄭

進香使李蕃仲封回自京師是日義州宣慰

使蔡耆之亦自京而至

冠蓋東西至欣瞻白壁雙艱關穿鶴野邂逅會箕邦

酒量鯨吞海詩懷筆似扛情深渾不寐歌舞控新腔

謁遠接使

文武全材信少雙詞源浩正倒長江幕中僚佐皆具
楚愧我區々曹鄴邦

步後園撷菜

空園面新陽治畦一畝陞草芽紛迸地欣蒙春雨灑
車前多叢生治產俾勿敗薺葉蒲牆陰不用作斤賣
青正土生芝馥々田有芥聊隨蠶素徒採々不知憊
滿釜不待輟鼠壤有餘嘅漸厭釘飯盤欲尋清淨債

所憂聲與色胸中作機械六根紛相戰無因脫塵界
與士高登浮碧樓泛舟順流遊至車前南浦
而還三首

村南村北鳥聲春芳草如雲隨意新叱撻東門並江
路檐帷北崦倚樓入兩催花樹晴生藥風歛波紋細
作鱗目極長天飛鳥盡始知身世脫紅塵

盡舡簫鼓咽新春烟暖沙堤草色新列坐金鈿八九
隊憑欄紗帽兩三人酒花歛灑浮瑤竿羣筋紛紜飫
素鱗為子高吟洛神賦凌波羅襪步生塵

浩蕩城頭萬物春無邊光景競爭新
桃花浪底尋詩客楊柳陰中喚渡人
山擁海門分翠黛江涵日脚動金鱗
醉來一笑滄溟窄却喜襟懷不受塵

與士高登後同松間

堅坐到高春蒼然暮色濃各携人
縹渺同聽唱玲瓏紅藥簷蟬鬢黃
流凸玉鍾東山多雅趣千載繼遺蹤
與士高設酌于風月樓池中小島

方池環小島滿目摠漣漪紅愛花枝
亞青憐草色滋絃歌喧四岸樽酒列
中坻蕩槳歸來晚紗燈照繡帷

觀傀儡雜戲

煌煌金帶耀朱衣，跟絰投身條似飛。
走索弄丸多巧術，穿絲刻木逞神機。
宋家郭亮奚專美，漢祖平城可解圍。
爲敬朝廷陳綽禮，皇華眼大足嘲譏。

到安州迂董侍講王給事中兩天使仍次兩
使百祥樓韻二首

飛樓偃蹇架崔嵬，黃鶴白雲安在哉。
舉目却嫌春去盡，岸巾時待鷺飛來。
澹烟疎雨連村暗，積李崇桃滿樹開。
嘲弄風光快登眺，霏霏紅雪落金盃。

野濶天低望轉悠
雲邊飛鳥八雙眸
家山路遠頻搔
髮江海春深獨倚樓
玉節隨風登雉堞
綉衣耀日映
鳬洲華筵半日陪
談笑一洗從前潦
到愁

還營詔

聖帝龍飛大統春
皇華原隰遍咨詢
留詩處上噴珠
玉洗眼人人看
鳳麟黃蓋翻上
擊紫詔綉衣繫上
映
朱輪已將德意宣
天下不獨吾邦飲
至仁

對雨口號

偷閒謝絕簿書喧
曉鴨春寒燕寶薰
鳩婦數聲驚午

夢滿蕉窗雨杏花繁

對酒

退公就私寢庭空日如年春虫語交戛風來雨翻
桃李作輿衛萬枝遮屋椽阿兒知我至迎門笑粲然
婉孌雙玉環左右亦相牽就開醪醕甕色味勝舜泉
酥鎗煮山紅鑿刀割蔬肴清歌出金石繹如珠貫聯
我亦取焦尾戲調君臣絃細酌紅螺盃擬訪枕中仙
春風蒲珠箔兩聲驚醉眠我生魚蠹間朱墨校書編
青杞困一邦不耐廣文壇安知受閭寄保釐洛與瀍

門施十二戟盤釘費萬錢送老溫柔鄉肉臺盤後先
聲色相戰搏顛倒在家禪何須學止口行樂當勉旃
但悲時易失駒隙催華顛招迂中書君賦此送春篇

登後園松間四韻

嘲弄烟花一解顏清和節近聽緜蠻携壺却上蒼松
嶠坐待雲間月半環

行逢佳境好怡顏不計功名觸與蠻紅紫闌珊春事
退還輸綠樹鬱回環
身老無因藥駐顏還愁如蠱滯荆蠻三年苦把關西

節春盡天涯未賜環

桃嬌杏艷媚容顏
楊柳纖腰舞小蠻
對此朝正緩歸
意醉首匍葉墮瑤環

與節度使泛舟中流遊至南浦而還

載酒江頭送暮春
緋桃擺盡綠陰新
催牽削纜頻津
吏欲整紗巾
喚座人風定沙堤眠
彩鴨日斜波底見
纖鱗歸來醉駛飛
黃纓旗纛風生九陌塵

又與希亮伯彥可珍乘舟遊至南浦而還是
時希亮為安州宣慰使伯彥為義州宣慰使

可珍爲都司宣慰使也

參商契濶已三春今日相逢喜語新
瞪目狂言驚滿座療飢秀色有誰人
盡船吹弄昭華管寶鼎烹分丙穴鱗
報答風光惟有飲花飄萬對半棲塵

送子強兄以謝恩使赴京

王家庭有三珠樹賈氏三虎彪
最怒龍駒鳳雛世不乏至友金昆滿門戶
天生羽翼相連飛如是如手家道肥
平生擬作三密計顧盼朝著生光輝
新皇聖詔頒東域遠捧篚歸謝宸極
清華館中幸相逢連床夜

話風雨黑驅馳王事有本程安用息上促遠行煩君
少立佇須臾聽此隴山歌一聲

次兩天使詩七首

重遊大同江

九臺烟樹蔭平津兩岸沙明絕點塵水鳥銜魚穿荈
蒼日光翻壁浸嶙峋山河久秘千年勝樽酒來尋萬
象春竣事天涯催返旆五雲雙闕夢應頻

董韻

招二黃帽理歸艎糝花亂似綿舉網貪看魚掛
鉤蕢蔬新薦蕨如拳談霏玉塵風生座詩拾奚囊錦

奪鮮邂逅佳期還契濶光陰馬上易推遷

董韻

一葦凌波任去留擬尋蓬島踰鯨遊俯臨河伯千尋
鏡徒倚元龍百尺樓拍岸浪花迷遠望隔溪漁笛攪
離憂蒼然暮色生墟落炯暗長林倦鳥投

董韻

五兩迎風穩送船長郊草色遠芊緜青山倒水螺浮
髻白鷺蹁沙雪韓拳竿凸金波成細酌絲牽紅鯉割
新鮮莫辭秉燭留連飲滄海桑田幾變遷

王韻

為邀佳節且遲留奉袂龍門接勝遊芳草和烟連極
浦斷雲含雨壓層樓携壺縱趁尋春約舉目頻添去

國憂僻壤欣蒙吐佳句羞將木李報珍投

王韻

過箕子古城

馬蹄如雨踏康衢楊柳陰々十里墟冪野雲烟千古
恨蒲城花鳥一春餘閭閻攢地田分井商賈連牆戶
有魚歲久無因尋勝蹟黍離今日正愁予

王韻

登風月樓

曾亡簾額捲珠樓樹影環牆院落幽紅雨散庭桃已
謝青錢點水藕初浮岸中古句閑斟茗俯檻忘機坐
對鷗半日陪遊心未足天教飛雨解遮留

王韻

登安州百祥樓宴慰兩使明日奉別

昵侍經帷老翰林
皂囊封事獻良箴
凌雲空有相如賦
垂橐曾無陸賈金
塞外山川勞遠夢
海墘烟月費孤吟
百祥樓上離筵酒
聽我驪駒試一斟

別室牡丹盛開

長安城中千萬叢
當時爛熳媚春風
沉香亭上三郎嘯
太真嬌癡貌亦同
誰分寸根遍海東
留作西堂一
捻紅嫩紅照日光
昭融羃階自作錦
幘幪不待羯鼓
聲蓬二奇葩國艷
映簾櫳天生肌肉
膩而豐一見顛

倒白頭翁白頭翁在歌吹中日上清遊樂未窮醉眼
纈花迷空濛姚黃魏紫誰雌雄天薰香氣鼻觀通不
須親入華清宮

遞任拜中樞

謾將儒術作遨頭對客時口多慢尤到處逢嗔如屋
大從來拙計與鳩謀中樞縱是清寒地膚澤偏承俸
祿優風滿北牕高枕卧飯抄雲子水芹柔

送希亮用舟中韻

江南江北雨聲多蓬底欣聞款乃歌酒盡離亭情不

盡輕風搖棹水層波

風月樓宴慰都承旨宋公瑛明日又慰伯彥
可珍相繼還京

百花飛盡春風顛
薔薇狼籍黃金錢
樓中日已開離
筵絲管啁啾聲沸天
九重喉舌金鑾客
樽酒相逢眼
雙碧雨雲愁期不足
責膠漆清談永
今夕軫輶傍午
箕河濱艱辛三載來
食貧况我淺量不如人
無以娛
客醪醺春主人邀客
不住馬蹄翻沙疾如兩
我行
亦在端陽暮迎英門外
應相遇

寫懷二首

身荷栽培雨露天，謬將樗櫟鎮西邊。
難支大厦爲梁棟，終作黃楊厄閏年。
萬戶傷心叫昊天，薺花如雪滿江邊。
愧將肥馬餐肥肉，餓芋流離勝去年。

鳴蛙

春雨頻添方沼水，萬隊紛二分作市。
薄雲籠月暗濛濛，亂吠達宵聲不止。
突眼鼓腹恒怒嗔，爲官爲私誰所使。
紆青拖紫襍穢徒，唯上羣浮泥水裏。
滅足沒跖

真苦辛我免井底差可喜常厭笙歌聒晝眠安用鼓
吹更聞耳欲向池中灑鞠灰誰為秋官掌蠲氏

遷任上京僚佐送餞江上

心勞撫字拙厨庖器大難容愧斗筭在世清貧詩作
崇叢身毀謗勢爲交誰能截鐙留遺愛只解携壺送
遠郊馳過栽松亭下路簿書絲竹等閑拋

到家

趨朝魏闕後謁廟拜祠庭歲歷三霜久人嫌兩鬢星
兒曹來戲笑朋舊半彫零惟有獼猴架濃陰蒲院青

賃屋

乘昏穿曲巷麾客半關門市近能兼味人間可與言

韓家能種柳白傳苦留樊時見親朋至相娛置酒樽

出宿碧蹄士衡有本錢邀福根彈琴公以謝

赴燕京作時弘文館校理崔溥在濟州漂泊江浙海洋港口皇帝發運本國凡四

十三人

李師知樂得天妙指底變弄千萬調松風泉溜入樂
聽流水高山知者少伯牙去後鍾期暗廣陵妙散無
人諳今汝學法得骨髓青出於藍青於藍親朋置酒

談笑聒清汝座中對一抹離鸞別鶴暗斷腸萬里幽
燕路超越長安甲第大道邊頻邀妙手煩妙絃且如
休屠不舉目莫作綠鞵董少年

到平壤

長年役役取長程羞向都門面發賴郎吏連枉遮路
揖都人手額滿街迎謾持旌節三年以又駕星輶萬
里行客作主人還作客一樽相對話深情

子強兄來自北京余與監司往迓浮碧樓

龍灣鶴野路漫上却去兄還未卸鞍今日談笑逢邂逅

迨高樓擣酒對盤桓
歌調錦瑟魚來聽
舞拂青衫露洗寒
半醉坐邀東嶺月
清輝應向二更看

義州新茅亭與牧使曹文緯話

茅亭蕭灑出林間
步上東西俯闌闌
秋色入郊禾黍富
狼烟捲塞吏民間
主人鄭重開樽酒
客子留連擁髻鬟
滿對香梨金顚爛
卑枝得許玉纖攀

渡江宿楓浦阻雨二日

暮過婆婆堡
楓橋澗水清
編茅成小屋
樹柵作孤城
舉目看雲色
支頤聽雨聲
關心萬慮起
聒耳百蟲鳴

兩地音書隔中宵寤寐驚吾生緣底事屢試險途行

過湯站復阻大河留三日

沮洳原野濶日暮到溪潄簇立紛如蟻翺飛反羞禽
登山嫌路遠依壠畏波侵脫袴褫鞍馬懸繩繫柳林
扶携相撒裂狼狽半浮沉切冷身顫戰臨危髮堅森
縷離小溪陰復值大河深積雨肥添水愁雲暗蔽岑
爆衣爭研木乏米競烹蓼肉食朱門裏誰知靡盬心

早朝奉天門

塞外妖氛掃地無大明初出耀寰區梯航不漏職方

氏冠冕競趨王會圖清蹕雷吟騰玉帛祥烟風泛動
金爐堯傳舜繼垂千祀朝野謳歌仰聖謨

朝鴉

來雖容易去無蹤擾攘翻上不畏置作陣羣飛棲御
柳翔空亂噪駭洪鍾曙分金殿千重瓦日射瑤墀五
色龍微物亦知涵聖澤一時欣抃解朝宗

馴象

屈猛隨人性自馴遭逢聖代飲深仁充庭不遇焚軀
患得物先教運鼻伸交趾山中思緬邈奉天門外步

逡巡何須燧尾奔軍壘拜舞惟知護紫宸

哈密回回

鬆髻削髮眼眶深拜伏瑤墀獻殿琛白布裹頭編作
帽烏氊蔽體類披襟逢人欣笑來相揖賣物啁啾語
異音 聖主重文輕寶石終將沙礫等南金

刺杯

赤芻爲衣不著裳羊冒毛頂染施黃橫書梵字上下
讀勤弄臂珠晨夜忙炙日麗容省更醜臨風羶臭近
難當却緣暫解銅仙術 聖許時々住寶坊

達子

沙漠天驕種落稠憑陵傳箭自相讎朝廷縱有羈縻
術邊圉常懷竊戢憂款塞來觀干羽舞左衽時側縉
紳流傾困賞帛如山疊溪壑難盈不耐求

自七家嶺冒風到濟河驛二丞置酒

刮骨涼風利劔鏖玄冥乘勢正鴟張孤裘紙薄思重
襲瘦馬途長困欲僵慘々山河將灑雪淒々楊柳剝
霜霜主人繾綣言逾好今日天寒飲此觴

路逢西海達子

建州屯接海西隣天作處劉別種夷幕頂帽冠集鵬
羽穿身衣服狗羊皮掠人子女常爲利應彼兄妻昧
秉葵共道聖皇新御極爭將土物獻丹墀

行過東八站

遼陽風雪塞河津八站歸來暖似春泥濘長途多險
惡虺躡羸馬苦艱辛爆衣林畔燒長木把釣澤頭煮
活鱗松鵲晴峯首漸近携壺來待有誰人

還渡江入義州逢大雨

龍山黑霧釀成雲十月塞邊天氣薰風捲雨聲連海

曲江分潦浪張溪濱蕭々初擬崇朝止密々終教八
夜聞已得城中千萬厦庇諸寒士共歡欣

雨止翌日復大雪

朝來猶作兩纖々忽化飛英亂撲簾平地已看三尺
厚寒威陡作十分嚴圍爐呼進盤中釘煖酒相酬掌
面添榼拙烜濃蘇帳煖時憑玉指鐻疎髻

冒寒渡清川江入安州與正朝使辛公相會

陰雲黯々鎖嶙峋天氣驅寒忽怒噴雪片風吹初塞
路冰澌潮戰半凝津舟來冒岸難移棹夜暗吹燈更

開人狼狽纒離濱死地盡堂盃酒話情真

監司送至大同江

渺上幽燕萬里程今朝回轡到箕城居人豈識行人
苦新使惟知舊使迎遺愛誰拚魚犢頌臨歧輕聽管
絃聲江頭雪馬凌風健此去殊無眷戀情

路逢八居人

君不見湖嶺人稠車接轂比櫛魚鱗千萬屋又不見
龍荒朔野狄爲鄰灌莽滿目空無人東南富實西北
虛募民徙塞不可徐驅牛乘馬騶騶榛州縣傳餐催

上道吞聲暗泣肝腸裂隣里聞之共嗚咽間關千里
到窮郊編籬作室誅蓬茅勤勞力役於其中三春畚
鍤明農功昔之愁苦今懽康昔之囊橐今困倉所須
煖衣與飽食安用東西與南北

自笑

自笑吾生漸苦辛老來活計不堪貧嬌兒惡踏寒衾
裂妬婦頻噴怒舌津蹭蹬猶需三品祿驅馳何益百
年身聲名日躡無人恤羅雀門前寡鞅輪

虛白堂詩集卷之十四

